

湖
海
詩
傳

湖海詩傳卷十八

青浦王

和德甫輯

沈大成

字學子號沃田金山人貢生有學福齋集

蒲陽山房詩話學子壯年在潘敏惠公思渠幕府敏惠喜讀書學子亦耽心經籍
晚年借惠微君寓官梅亭益以學業相砥礪三禮註疏杜氏通典皆手自校勘丹
黃爛然後館於江鶴亭春家編次詩文集共六十八卷無子沒後鶴亭刻以行世
其詩初學黃中允之偶後出入唐宋不名一體蓋補太史謂以學人而兼詩人者
信也五言如春燈孤照雨高枕靜聞鐘亂泉無聲溪清鑒寺門深遠水橫帆小孤
村桑柘深香泥雙屐滑春草一庭寬夕陽紅在樹新溪綠平堤七言如微風竹外
流清響急雨樽前送嫩涼秋風一一催征雁暮雨星星點客衣萬事遂成白首
一年容易又黃花小驛銀燈生遠夢空江烟絮送殘春茶筍故園三月暮關河遠
夢一卷深
皆耐冰風

登紫陽山

磴道開新逕萍蹤此乍經人烟生萬井石氣土孤亭天接江
湖白春回草樹青凭高發長嘯頓使宿醒醒

贈陸式如

廿載重相見仍爲汗漫游僧房堪結夏客鬢早驚秋竹潤嵐
光重荷喧雨氣浮好尋舊吟伴載酒弄湖流

過清浦懷王蘭泉

浮圖倒影卧滄波斜日荒城客又過邑小人稀風色緊江寒
天澗雁聲多披綿味好嘗黃雀掃黛山遙憶翠蛾東望澱湖
雲杳渺故人病起近如何

曉渡春申浦訪喬瓶城留飲草堂作

細雨濛濛湖正平凌晨風利放船輕重尋水北誅茆處轉憶
隄西翦燭情滿逕落花紅未掃一林新葉綠初成吳山回首
荒前約醉影婆娑百感生

題楊柳汀聽鶯圖

柳外鶯聲嘒嘒圓
芳洲一片綠遮天
禁烟時節晴兼雨
中酒心情醉復年
吟策每從婪尾宴
笛牀閑上楸頭船
近聞更學無生法
好逐迦陵證二禪

兄與南屏恒公爲方外交

王蘭泉舍人三泖漁莊圖

茫茫長谷綠浮天
蟹舍魚蠻半水田
絕愛江村涼雨過
柳陰初放楸頭船

七子鴻名海內聞
偶來閑釣一溪雲
樵兄漁弟多相識
渾忘天邊鷓鴣羣

風流陳夏已前塵
吟社壬申斷問津
眼底橫刀誰健者
回瀾端合屬斯人

七里三塘唱竹枝
流傳不讓冶春詞
從今翻作漁家傲
細雨斜風盡入詩

君有山塘雜詩

朱方藹

字吉人號春橋桐鄉人貢生有紅橋載酒吳興紀遊諸

集

蕭嶺山房詩話春橋生長燕支之瀝居依皮史之田門第清華風神雅令詩賦之餘兼通書理披麻沒骨無所不工是以載酒江湖扁舟來往好事者輒側展迎之姜白石孫花翁當日不能向也又贈詩餘故其論詞絕句云酒闌嬌語秋晴信是愁吟伴庚郎賦物却能超物外青枝綴玉寫疎香梅溪竹屋共中仙妙筆終應永相思孤瓶亦流傳

曉登靈巖

曉聞靈巖鐘遂入靈巖路石磴轉百盤山花泣春露白雲與空翠蒼茫色交互須臾旭日升禪關散輕霧凌空一縱目好景悉奔赴點點太湖雲重重吳苑樹千里欲窮形更上琴臺去

同王孔堂厲樊榭登南屏山詣壑庵觀磨崖隸書家

人卦傍晚泛湖而歸

夙昔抱微尚溪山嗜幽討况茲風日佳招攜得朋好芒屨蹋
白雲人影亂芳草夾道蘇荆榛到門蔭松篠略約自逶迤清
泉一泓繞何年巒翠中鑿此金魚沼

東坡詩我識南屏金魚池即此地也

山僧出迎

賓骨相清且老坐我青豆房淨域塵不擾石鼎煮新茶齋厨
飯香稻乘興入巖洞繚曲景幽邃須臾綠磴上如行衆樹杪
快覩磨崖碑筆勢最天矯云是涑水書前輩每稽考歲久苔
蘚侵佛拭勞手爪悔不響揚歸裝滿成墨寶坐久暝色來出
谷尋古道鼓棹向中流舟輕疾於鳥烟水何濛濛雲峰殊杳
杳回首望南屏殘霞斷林表

游惠山寺

未飲惠山泉先游惠山寺蒼蒼九芙蓉中有琉璃地香臺聳

層雲金碧亂空翠松竹散清陰巖澗饒古意爰尋山下泉彌
得靜中寄碧乳流石根清甘具真味大江無中冷此豈稱第
二松火明竹爐汲泉聊一試茶取雀舌煎水候蟹眼沸雪椀
洗煩襟悠然遠塵累緬彼桑苧翁清風動遙企

曉起冒雨出山

天明如未明禪窗失晨旭宿霧凝不收諸峯淡蛾綠坐嘗石
鼎茶再飽齋厨粥稽首別瞿曇循途出巖谷樹頭吹雨來絲
絲斷還續杳靄迷陰崖滴瀝響烟竹蒼苔滑雙屐下磴幾停
縮山泉先客行奔赴前溪澳回望但寒雲微露蜂臺矗

東方未明之硯歌

有序

硯出端溪水坑長三寸廣二寸石有眼數點如星池
作半月狀額鐫東方未明之硯六字背有銘曰殘月

暉暉明星睽睽鷄三號更五點此時拜疏擊大奄成
則策汝功否則同汝貶旁署夢白居易題五字下刻
南星二字小印蓋前明趙忠毅公物也今爲沈椒園
司臬所藏司臬出示余乃爲之歌曰

硯材一握腴不枯青花隱隱縈肌膚鵲鵲眼作星數點池刻
半月如彎弧東方未明景彷彿纖阿列宿橫天衢高邑氛宰
昔寶用嘉名肇錫良非誣維公秉正斥邪佞筆鋒淬厲成青
蒲論四凶兮疏四害藉此揮灑辭意敷茹花委鬼亂綱紀漫
漫長夜光含糊公上白簡羅罪惡思動天聽行天誅滿腔熱
血兩行憂國淚應和墨瀋同霑濡慷慨有詞銘厥背三十一
字字字驪龍珠明知成敗事難料論功遭貶誓與俱嗟爾一
片石不過三寸軀旣不佐三朝要典陷正士亦不助搢紳便

覽筆染朱

書為魏廣微作摘取怨家姓名祿籍國之密授魏忠賢于奏對時激上怒

侍公之側識公友日接

高楊左李君子儒雁門關前公遠戍爾隨薄笨車馳驅惜公

騎鯨不稍待金雞有赦空飛符忠義之氣唯爾寄精靈呵護

留寰區隱拙齋

司泉齋名

願久什襲珍重不啻青珊瑚主人曾官

繡衣使霜威凜凜傳燕都奏毀死奄舊祠宇碎其像設陪碑

跌

司泉曾疏請毀王振祠

硯兮硯兮爾何幸後先得主初無殊盛朝光

華旦復旦僉人孔壬今則無不須磨爾書諫草唯伴先生著

作時操觚今朝開匣出示我屈指已歷百數十載流光徂濯

以清冷泉拭以紅氍毹龍尾鳳味非爾徒明星殘月形不愉

使我摩撫增嗟吁憶昔淪糜費幾許五更奏牘天街趨妻孥

遭謫不遑恤趙公忠毅真丈夫嗚呼趙公忠毅真丈夫

送據崖之吳門

白髮耽游興扁舟任所之夕陽江樹遠春水布帆遲芳艸眞
孃墓梅花短薄祠吟情應更健吳會再題詩

揆崖向著吳會吟一卷

理安寺

一路晝陰沈諸山積翠深行行山下路幾折到祇林竹色侵
經閣松風和梵音老禪曾伏虎遺跡試重尋

瓜步舟中懷王德甫

吳下同爲客江邊獨放舟鳥隨殘景沒潮挾斷冰流旅况添
蕭瑟詩篇少唱酬思君隔南浦雲樹迴含愁

臨安山中曉行

石徑晨霜滑從輿去輒停峯腰橫宿靄樹杪墮殘星僧寺鐘
初動山家戶尙扃衝寒須卯酒何處問旗亭

東塢庵

曲磴攀藤上高臨
傍鳥羣佛旛松頂見僧磬
石間聞地僻
稀遊跡心清斷俗氛
回看來處路已隔幾層雲

客舍與沙斗初夜語有懷吳中諸子

久別欣攜手他鄉慰寂寥
江湖懷舊雨燈火話今宵
香水溪邊路桃花塢口橋
當時觴詠地回首十年遙

老禪堂題壁

堂爲高峰禪師開山處
師子正宗寺舊址也趙松雪曾書碑記今不存

碧芙蓉裏得平岡
此是當年選佛場
古殿慈雲猶擁護
豐碑妙蹟久淪亡
六時鐘磬鳴空際
萬疊峰巒拱下方
更欲乘風凌絕頂
龍池灑瀑半天涼

同閔玉井江雲礫淨香閣納涼

纔過紅橋繫縶牙入門曲折水廊斜柳陰濃綠全遮暑荷葉
清香却勝花隨處迎涼施夏簾有時消渴點春茶晚來忽送
催詩雨歸路依然照落霞

歸雲庵四首和前湖州守白雪吳公六言原韻

明孫太初先生

棲隱

苔燈斜穿山塢竹陰深護禪家剛是連朝春雨一溪流出幾
花

華屋終歸寂寞隱居常占幽閒試看挂瓢人去猶存堂戶三

間

庵有挂瓢堂刻少谷
爲太初先生書額

一點軟紅不染四圍積翠難分坐久襟衫欲濕飛歸都是寒
雲

曾載枯禪瘦鶴紫衣人仰高風未必南屏峯下烟霞勝此山

中

吳中雜詠

亞字城西柳萬條金閭亭下水迢迢吳娃買得蜻蛉艇穿過
紅闌四百橋

香林魚版響初停慧慶禪房少客經小閣推牕宜遠眺夕陽
秋水白蓮渚

蕙草初香二月天白公堤畔柳如烟討春年少攜箏笛齊上
吳孃六柱船

十里荷香明鏡間扁舟來往樂漁蠻柳陰深處涼風起獨占
吳王消夏灣

過新溪

山泉放處板橋長夾岸人家薜荔牆穀雨纔過三五日溪南

溪北焙茶香

明霞墓

墓在峴山之麓題碣云石蒲齋侍兒明霞墓明李可
賓字貞卿官湖州司李明霞乃其侍兒石蒲齋其書
堂也

琴書堆畔了生平埋玉空山代已更一樹棠梨三尺土寺留
殘碣識芳名

尺幅生綃寫綠筠舊圖藏弃未塵湮從今讀畫明窓裏兼憶

當時捧硯人

余藏有李公
畫竹一幅

吳興歸舟作

一夜城南放棹還夢中吹過好雲山何當身似芙蓉塢常在
烟囊明鏡間

冬日過遂初園夜集小查山閣聯句

雅尚聯心朋

香

輕梳烟際發蘭芷遵逶迤

述

蓮峯望首舉古

洞呀然闕

繫

危崖倏而突宿莽走驚麋

繫

枯林颺俊鶻凝霜

杉屋寒

香

濺留蒼岑滑一徑沿礁磽

古

雙扉豁林樾眷茲澹

宕人

述

渺爾烟霞窟棲元敦古歡

策

養拙謝天伐拓地展百

弓

來

結廬容十笏綠淨徵溪毛

金

蒼寒綴石髮長林鶴柴遮

吉

細水魚梁泅欸冬花已闕

述

破臘棹漸醇依人憐凍禽

迎客狎吹獨蹊幽窺櫺櫓

來

閣迴俯碑瓦巡簷遠眺舒

金

布

席豪情勃雲雷陳漢尊

吉

趨趨辨周碣香焚鵲尾溫

蝦鬚揭鎧紅綻燭華

策

瓷碧盛肴核野供屏擅腥

來

山庖具

筍蕨射覆角兩曹

金

銜杯甘百罰衝愁出奇兵

吉

却敵誇勁

卒半醺臉微潮

述

痛飲頭欲沒狂思中聖賢

金

渴擬吞溟渤

底須無傴僂來漸覺醉兀兀茗烟淪旗槍金芋火煨柑柚雄

談侈矜奇吉清景坐超忽銀箭咽虬更施冰壺湛蛾月霧沒

山模糊策風搖樹檉机澹澹雲合膚來稜稜水生骨炙硯吟

方酣金攪環興未竭奇思鬱輪囷硬語辦倉猝開軒快披襟

吉人接座欣結競交應慕荀陳情詎分吳越伊余困塵囂施多

君謝朝謁屏跡依邱樊帶經事耕垡採芝商皓歌策樹蕙楚

騷曰花鳥俱友于琴書美詒厥欣此裙屐同來勿使敦盤歆

逸翮偕鷺鷗遊蹤比蛩螢盟心保歲寒金堅貞庶無闕吉人

無隱庵消寒聯句次皮陸北禪院避暑韻

把袂衝嚴飈吉問尋閑士宅聽鐘駐籃輿金拾磴捨篠策龍

攫輪囷松施虎踞偏強石崖裂皴霜痕策巖封濱雨跡徑靜

稀樵兄朱澗枯斷漁伯邱中誰鳴琴吉方外或卓錫佛座倚

雲根

金

齋厨引泉脉炷香禮蓮龕

述

懸燈照葦席清言容踞

床

策

高臥時蹋壁結脚宗雷籥

肅

豎拂支許敵安禪訶小乘

人

吉

妙諦證大易偈從黃檗參

金

旨向青原摘嗒然身世忘

悠哉襟韻適觀空度六時

策

斷愛戒三昔夜悄月盈規

微

凝雲過尺撲朔匿氍毹

毛

吉

畢道翻凍翼危柯綴殷紅

金

鋪禿白冰苔滑侵衣

述

風竹低壓幘逍遙企鴻情

策

局促陋

螺識幸窺薔薇林

肅

快聚菰蘆客梵筵任冥搜

吉

經幢恣元

索寶後超津迷

金

珠林羅海蹟言依竺國緣

述

誰談桐君籍

白水貯一瓢

策

穿霞藉雙屐夙願償未能

肅

勝地棄堪惜涸

跡尙塵囂

吉

息心終野寂澹味宜敲茶

金

幽芳愛翦柏回瞻

薄靄蒼

述

悵望層嵐碧亟當證淨因

策

庶可療奇癖何時木

樨香

肅

訪秋復來覓

吉

人

詠柿聯句三十八韻

秋晚摘芳包殷紅照闌檻吉人顆勻鶴頂圓光射此珠閃述盈

筐驗入棧堆盤燂數點策時寒逾冰沁脾色比酒暈臉吉人精熒

日生輝翳蕤火含燄述體疑塗硃砂形不藉規範策時渾淪觚

無棱磊砢圭少刻吉人甘膏鐘乳滋細核瓠犀飲述膚柔滑可

捫梗短愁難慘策時絡資細篋裝漬陋輕鹽鹹吉人懷橘喜同曹

持螯慎分陝述喜茲結實佳緬彼蟠根漸策時幹直倚夢檍陰

濃罨岫吉人繁花綴金鈿密附翦青琰述叢條拂春庭碎影

移夏簾策時香瓢過暑融靈液逢秋湛吉人營巢絕鴨鵝細喂謝

蜩范述統宜晴旭烘熟恐獐麕策時相呼走且僵競采大而

儼吉人壓擔登鼎鼎盈車響墮述豎賈衍齊擎癡兒嗽猶歎

策時數品滿陶盆徵奇考竹范吉人佳名朱果傳別種烏稗忝述

庵

松陽冷澹牙梁園美充賺

策時

共知龍卵嘉未許牛心掩

吉人饒

和楚米蒸餅壓吳霜染

述庵

灰淋崖蜜凝風戾雲腴減

策時

搗餘

粉色勻灑後漆光黯

吉人

帶從織錦誇葉爲臨書檢

述庵

致用咸

足珍分嘗詎能貶

策時

攜來喜礪礪剔去憎黯黯

吉人

金刀切紛

綸玉椀鋪掩冉

述庵

對物憶家山誅茅近晴嶺

策時

火傘映移杉

金衣耀桑槩

吉人

設饌共圍橙登筵伴江芡

述庵

鄉味尙依稀蕭

晨忽荏苒

策時

所宜肺病蘇豈恨食單儉

吉人

薄冷君勿嫌清尊

正澹漱

述庵

集璜川書屋觀伏波銅鼓同企晉述庵張策時凌祖

錫聯句一百二十韻

陽曦射高堂

述庵

寶氣肆騰躍古色伴尊羹

吉人

流芒動簾幙熊

熊託雲臥

策時

燈燈怪雷燭燭昏餐餐膳

吉人

月黑蜿蜒走蒼疑

木鬚述黝類火蕪蕪警警同形模吉米忝協尺度彭亨豕

腹寬時倔強豹股博緣碎爪皮皴吉黃披楮葉敲回文結腫

尻述斷跡豁齟齬字缺史頡銘吉奸遁飛廉魄蚪蚪周四腔

策蝦蟆欹三脚列象天山均金分位雷風薄腰如已甌圓述

面比辰鑑廓低陋繫馬鐔吉窄晒棲鳳鐸完質無佩離策韜

光仍渾噩審器知金鎔金辨音異皮鞞揎袖發鏗鉤述援枹

恣磅礴小鳴星精搖吉大響雨點落猱颺蕩穹崖策急瀑赴

巨壑轟天走之而金殷地駭不若雲垂林熊咆述石裂谷虎

愕同饒鐸鐘鏞吉殊笙筵管竽歌風想其鏜策肄雅徵或罟

稽典心縈紆金辨物手捫摸劍沙顯晶瑩述剔蘚露璀錯流

傳東都時吉采拾南穹峿瘴海波滔淫策蠻陬山嶺乍貪吏

失撫綏金獷俗善刼掠伏莽踰颺述投林過猿猱荒箐蒙

幽遐

吉

強弩逞矯躍猛獐奮狐羣

時

蠹鬚熾妖虐赤伏方中

興

企

黃圖並虔恪聖書集貌貅

時

羽檄剪鯨鯢健女空跳梁

人老翁尚矍鑠下瀨陳雄師

時

伏波拜新爵誓衆發樓船

企

連屯趨浪泊毒霧看墮鷲

時

盤渦訝浮蚘險披荆榛叢

吉

勇

淬霜雪錡營開闢戟明

時

陣動琚戈拓塵飛揚旗麾

企

血模

糊刀斫孽種揃雉將

時

虜夫窺詩索發弓震天綱

吉

立柱表

地絡雕題來粵人

時

崩角受漢約昇曳呈轅門

企

焜煌照鈴

閭蟠狖紫繡蒙

時

翔鷺流蘇紵賓從爭摩抄

吉

徒御互趨踰

上將思驂騑

時

良工付燬燦駁尾宛蕭梢

企

騎蹄像連蹀金

門獻種種

時

玉墀羅各各功應冠寇岑

吉

威已憚越駱胡然

謠詠興

時

幾致湯沐削訟寬誰慨慷

企

藻菲終寂寞奇勛貽

至今

時

剝物撫猶昨體非鳧氏攻

吉

制想僚奴作音老誇多

藏時策俚人笑羣搏蘆笙迭參差金柳酒共斟酌雉翎豎了叉

庵述羸殼挂瓔珞六幅拖花裙人一綉騰草屨跼臂凌長溪時策

招手度危竿被屋蔽格陰金短牆絡籐格綿李實蓊叢庵述

桃華奶嫋賽社巫叮嚀人留歡客酬酢箸裏堆生鹽策瓦盆

貯乾酪羅列兼禽猩金熏炙到鼠貍雜飲態宜嬰庵述講言笑

嗔嚟脫釵扣淵淵人蹋歌行踽踽傾耳聆敲鐙時策攘腕任揮

綽節促交錚鏦金聲圓屏硯礪聽隱隱韓麟庵述視索索矍矍

僻陋良足嗤人駢闐亦云樂譚論考始終時策收藏見矩矱表

座映尊疊金宿懸繼罄鐻置傍青玉案庵述襲用紫闥聚舊玩

供掀掀人新詩遞咀嚼拂拭航近好時策蒼茫興遠托 今

皇恢八紘金單化遍六漠入侍紛梯航庵述獻寶聚河雒陰羽

陳麒麟人火珠上鵝鵲邊候消朝烟時策嚴城斷宵櫟方看重

譯朝

金

詎意

小醜

惡梟

踞前

王庭

述

蟻聚

左賢

幕酣

蝮蛇

張

金

劉刺

蠡蠶

蠶

聖武

赫斯

怒

策

帝命

求其

瘼側

席思

金

范韓

築壇

遣衛

霍攻

同吉

日

述

捷伐

百門

鑿神符

甲乙

金

占

士鮮

癸庚

諾虎

帳夜

椎牛

策

龍沙

晨表

貉殺氣纏

蚩尤

金

邪氛

掃格

澤三

千驅

水犀

述

百萬

潰風

鶴喪

膽諸部

降

金

人係

頸元

兇縛

惴惴

就斧

砮

策

欣欣

免鼎

鑊鐃曲傳數章

晉

金

戎衣

欣一

著洗

兵魚

海陰

述

振旅

狼居

壻罷

六道挽輸

安四

金

郊耕

穫酬

庸珪

瓚璋

策

薦廟

臙臙

臙敷

文舞

羽干

學奏

金

簫勺

靈鼉

四簾

懸

述

華鯨

九乳

操瘡

彼百

里驚

物郭

金

冠帶

罔弗

同

策

費琛

詎煩

却

策

我儕

樂淳熙

足揚

金

摧翠

葆靡

銅腥

策

雲花

絕塵

填神

變吼

不聞

金

向數

金

年深

建武

存

述

代古

貞元

忤紉

斷非

洲淪

痕斑想泥

驃國還輪囷

錫祖

象州謝礪砢破硤壓鎮

其輪

人吉礪琅撼綺樽授

受閱弓裘

策時

顯晦等龍護璫包武溪濱

錫祖

網罩潢川輪高軒

辱寵靈健筆起衰弱擊鉢喧雷鳴

金續

貂愧螢燭

余後等校云

狂揮

馳崑崙渴把鸕鷀杓子石磨白蕉

錫祖

哥審插紅萼擁鑪芋火

煨

吉

汲井茶槍淪禿巾頭鬚髻

策時

解帶步踉蹌拈窮冥搜

摹畫資衆謔劈牋侍史勞

錫祖

秉燭奚童側壁空風颼颼

庵述

凍水各澤潛鱗蟄蛟蚪

吉

厲翮振雕鶚角殘烏吟啞

策時

雞膈膊矯首眎長庚

金

熒熒燭虛郭

庵述

閔 華

字廉風江都人監生有澄秋閣詩

重過田隅草堂有感

舊識溪邊路草堂疎竹籬樹成人去後秋老客來時白鷺一

雙影枯花三兩枝
裴回欲愁絕
隣笛正孤吹

過環溪

移門當竹逕
插柳護山田野水明
籬外疎梅落檻前
朝來課春作客去理殘
編不信歸林下
郎官正少年

晚春過讓圃

逕曲多幽草
林陰有澹雲
自同南郭隱
不用北山文
野色空樓得
高花兩院分
劇憐春晼晚
蜂蝶尙紛紛

春霽

匝月始開霽
小園春未闌
好風清宿雨
遲日散朝寒
鳥語交喧樹
花陰半覆欄
遙憐湖上路
塵眼撲雕鞍

早秋過巨公禪堂

初地秋先到
涼風滿戶間
鶴聲松院靜
僧語竹牕閑
蔬果生

禪味烟霞見道顏一枰貪坐雨薄暮欲忘還

懷南圻在環溪

遙憶環溪上春寒正掩門水風垂柳岸烟雨落花邨把釣潛
鱗得然松濁酒溫有人此林下吟醉送朝昏

贈盛青巖

落拓風塵雨鬢絲年年贏得在天涯秋生蜀道聽猿夜雪下
梁園授簡時三徑松筠應自好五湖鷗鷺最相思先生歸計
須料理莫使烟波欠釣師

陶元藻

字篁邨山陰人貢生有珠江等集

蒲陽山房詩話篁邨五十年前老名士乾隆丁丑余在廣陵時盧巡使見曾大會
吳越名士于紅橋凡六十三人篁邨與焉有詩云誰識二分明月好一分應獨照
紅橋約時荷滿故余贈以詩云勝游共聽歌三載清詠先傳月二分嗣後遊別邨
不相聞者四十年迨余乞恩歸老來湖雲猶見篁邨題詩在壁詢之山僧言昨

湖海詩傳卷十八

七

游此雙螺尚無恙也既而蘇詩問余在武林
來訪旋寄所刊珠江等集因綴錄之如左

彈子磯

高稜刺青天根脚挂水府盤渦潛毒蛟昏黑神所怒迴波拒
行舟篙者力如虎懸崖側欲顛毛髮時一豎妖星兆漢年又
血赭南土彈射峯巒穿山靈亦遭侮茫茫太古雲流石氣成
雨峭壁羅青紅妙繪色惟五凌濤駕飛梁欲陟絕步武松風
餞孤舟交影日卓午

自大里至羊塘舟中偶書所見

翠嶺張腸川貫胃練光潑綠偏玲瓏遙聞澗響在天半玉龍
倒挂前山峯松根將斷杉影接蒼翠圍却青芙蓉鳴禽上下
人不見中有小徑雲常封沙頭奔石狀醜惡照熊噉水行舟
逢懸帆風利不得泊倏忽數里烟霞重夕陽欲落猶未落隔

林飛度曼陀鐘

西洋鏡屏

菱花不產金銅牆挂壁寒生到衣桁
冰雪聰明老畫師盧中烘染離奇樣
非綃非縠隔毫芒爲影爲形乍難狀
秋痕一綫指不容萬里斜看勢奔放
峩峩大觚天末來箭激危檣破高浪
小姑扶柁大姑撈紅頰長眉兩相向
璚犀挿髻耳耀珠削影雙花動春漲
門千戶萬城郭開霧閣雲窻映仙仗
天風磨颭芙蓉旂黃犬神牽過烟嶂
前村夜市簇華燈錯落明星海門上
蓬頭番鬼立且趨蟻逐蜂屯絕依傍
陽烏汨水陰兔升老魚垂頭瘦蛟仰
偃師狡獪怒君王地獄圖成駭變相
飛鴻爪印雪泥空汗汗涸涸入清漾
芥子須彌恍惚逢大光明界蛟龍藏

韶州雨霽

推篷山色近雙眼
望真饒過雨綠遙樹
夕陽紅半帆鷗鷺小
艇出蟠螭遠天銜頓覺春寒減
臨風試袷衫

大忠祠

松柏青蟠古屋陰
風吹畫壁氣蕭森
勤王莫展回天力
誓死同堅報國心
碧血魂歸巖瘴濕
黃龍旗偃海雲深
寒鴉飛過匡門路
一片斜陽自古今

登廣州城樓

魚鱗萬井氣如雲
牛女星躔掌上分
諫草文章唐宰相
樓船弓弩漢將軍
羅浮巨蝶傳靈跡
南海明珠紀舊聞
屹屹崇墉鼉背起
幾回憑眺對斜暉

過蘭溪

白沙翠竹滿汀洲
烟抹蘭溪舊酒樓
一片淒迷夕陽渡
旅人西去水東流

題一鑑亭

風日鑑輿到郭初
草亭清景似吾廬
迴廊行盡芭蕉影
細數堂堂策策魚

薤根芹葉水雲閒
風皺鞦韆紋浪一灣
尤愛晴峯烟樹末
夕陽粉本大癡山

六如亭

斷石闌干薜荔垂
夕陽亭外認荒碑
春風吹綠朝雲墓
一路空山叫畫眉

重陽

風雨重陽獨倚樓
寧辭盃酒對江鷗
南山應笑東籬客
又負

黃花一度秋

月夜憶揚州舊遊

素月如規印碧空
吟壇盟主憶盧仝
藕花香裏燈船酒
回首揚州一夢中

扶胥海上露華新
那得笙歌畫舫春
楊柳紅橋今夜月
阿誰重憶舊詩人

朱 楷

字孔林長洲人諸生

諸葛山房詩話孔林少與惠陵君交談性耽墳典又與長洲布衣余仲林蕭客陵勸注疏余自經解釣沉三十卷而孔林尚未成書兩人皆不工詩存此畧見一斑

九日登道山亭有感

孤亭翠嶽俯荒城
平遠江山四望清
古檣雲林低晚照
野塘風荻亂秋聲
百年逸興清樽在
一夕相思白髮生
醉把茱萸

重惆悵故人零落不勝情

華玉淳

字師道無錫人監生

蒲弱山房詩話無錫華氏自子田學士以詞翰起家至數傳而師道與其從子溪峯受業於顧復初司業講求經義吟咏乃其餘事故師道有句云今日殘雲誰健筆續將初白老人詩其宗仰如此然畫莊如稿題其源圖持稿云澤園霞峯老孫子屏除俗學治經史貽我一榻太古音隻字不寄時人耳年來歸櫂自巢初觀懶秋風移戰壘噴薄奇氣本共釣故知此事須根柢信如所云則又非初白老人支孤也

同諸弟至後園

重尋芳徑遶花陰
拂水依依柳色深
過眼雲烟今夕淚
對牀風雨十年心

題天際歸舟圖

平林漠漠合秋雨
芳草萋萋映碧潭
一片輕帆雲際出
望中
空翠是江南

華 湫

字澱峯無錫人諸生

秦漢印歌示導崑

鈕螭辟邪龜瓦羊色青紫黑金赤黃埋土剝蝕生古香鐫鐫
分製各擅場隔篇倒薤圓不方細膩熨貼順陰陽鸞迴鵲頭
驚翔翔覓跋鳥立蛟騰驤雍容冠冕垂衣裳凋戈寶戟爭鉅
鏃撫畫化變誰顏顏何震文彭宗子昂法趨簡易歸堂皇庶
幾萬一堪梯航織綺怪僻非康莊篆籀遺跡今渺茫秦璽漢
印留吉光

江 昱

字賓谷號松泉江都人諸生有松泉集

蒲陽山房詩話少玲瓏山館書集江浙名流賓
谷數為序客故詩詞亦得午橋樊榭諸人一體

陽曲張思孝來江南爲儲太史刻存研樓文集并搜
討傳徵君霜紅龕集壽髦我詩彙刻之凡六載始竣
今將歸里以秋林獨坐圖屬題予高其誼賦此贈之
時乾隆丁卯九月

玉堂感秋衾誰復求遺稿况彼巖居人悽吟散烟草江湖萬
古流後死績非小江南五見雁關門度秋早顯晦信有時斯
文動蒼昊迢迢指舊山霜林坐清杳

由古渡橋泛舟紅橋雨過西園用林壑歛暝色分韻
得暝字

沿緣出華間秋意滿烟艇疎雨忽薦涼輕雲不成暝水曲隱
新亭竹深得清境開殘荷芰香吹上詩句冷花師闕廢興鴟
盟坐消傾斜陽澹遠林寥寥一蟬警

湖海詩傳卷十八

七

王述庵趙璞庵曹來殷嚴東有凌靜軒吳梅里集對
琴書屋分得理字

故人天際鴻清風忽來止虛室闕市喧招呼及諸子風簾暑
氣微冰絃索商起叢蘭發紫莖幽意靜如水抗襟暢雅懷高
談送涼暑卜夜開青尊烟櫺未須理

初秋湖上泛舟至月上始歸

城西小艇尋烟語幾點迎涼豆花雨沿緣更人深葦閒水態
雲光淨空宇遊船歸盡無笙歌晚來清景娛人多老蓮吹香
酒初醒白月挂柳魚跳波寬閑已與絲華隔魚稅菱租堪卜
宅鑑湖何事乞官家在處悠游同一適

盱眙

五代千戈地憑高豁遠眸山連淮甸夕水入泗城秋脉酒神

祠社魚鹽賈客舟都梁有香草欲采獨無由

雨中簡金壽門

短巷人過少冥冥十日陰
林花雨中澹秋氣坐來深
蟲語時鳴室鼃絲半在琴
遙憐寓樓客隱几對高岑

舊縣

一旬淹水宿風味此鄉清
斜日明孤塔寒江遶廢城
樓臺山外出舟檝畫中行
瑟瑟微風發沙頭漁笛聲

黃舟赤壁

高巖落日大江濱
亭榭凌虛結構新
漢水波寬帆下疾
衡陽秋盡雁來頻
戰爭杳渺千年事
風月銷磨絕代人
寂莫淮南獨行客
維舟釃酒一傷神

諸同人爲苔岑小集分詠故鄉古蹟得禪智寺

迤邐崑岡枕水湄琳宮金碧憶當時蟲鳴廢院僧鋤菜葉滿
空廊客看碑雨氣隔江山淡沲墓田無主草迷離幾翻塵劫
銷磨後歌吹偏勞小杜詩

漢上喜李嘯村問涿至自潯陽

蕭蕭木脫晚秋天燈影高樓枕手眠暮雨獨聽三楚雁東風
忽到九江船詩篇作計寧長策行李隨身是夙緣萍聚他鄉
休感慨題襟贏得綠尊前

將之京口宿瓜洲敏上人禪林

小憇吳艘第一程到來心跡喜雙清樓空燈影籠龕碧夜靜
江光入檻明鴻雪偶然留指爪鐘魚聊爾淨襟情峭帆擬趁
雞鳴渡東掠滄溟看日生

移居

聚族籠坊不記年飄零忍賦卜居篇豈同杜甫橋西宅差免
張融岸上船微力辛勤營壘燕殘聲酸苦別枝蟬清貧家具
頻收拾借得童牛百事全

西園感舊

逝水年光送盡春謝家池館暗凝塵東風歷亂真無賴滿院
楊花不見人

蟋蟀

蟋蟀偏驚獨夜情一聲聲近卧牀鳴金盆棄置秋塵冷自起
鉤簾看月明

夏夜

夜深清境復誰知涼露無聲滴小池寂寞紅薇花上月照人
憑檻立多時

過九江

晴雪空江沒舊汀孤舟鎮日書冥冥迴颿忽見斜陽出遠露
匡廬半壁青

愛日堂觀劇

興來留客罄清歡歷歷珍珠瀉玉盤紅燭消遲簾幕靜不知
風雪夜深寒

清詞小部擅風流江漢微波咽暮愁醉裏渾忘身是客紅梨
亭外月如鉤

題襄尺畫蘭

葉葉涼陰生硯池國香零落徧天涯江南州水春帆穩歸夢
湘皋月墮時

江恂

字子九儀徵人昱弟貢生官徽州知府有蔗畦詩鈔

蘋風檻

紅蘆帶清波蘋花亂秋雨口暮水烟昏吹香上詩句

春水步

蒲芽短於髮花鴨肆游漾浪沒繫船椿桃花夜來長

題畫

朝來空翠滿雲根幽迳無人破蘚痕一夜雨聲喧竹外魚苗
水漲石橋渾

秋日湖上

一枝柔艣認前灘露柳霜蓮弄影殘卻是無人領蕭寂水風
吹雨畫生寒

鷗外陂塘百畝寬波光卷盡鏡中看西風似與蘆花約妝點

秋容上釣竿

江立

初名炎字聖言歙縣人監生有小齊雲山館詩鈔

蒲褐山房詩話聖言性嗜文素又愛倚聲與其兄弟名譽略同遊西湖慕姜石帚馬融之勝卜築數椽購細君同居數年費盡家亦落乃還邦上余在魚通適其叔太守伯權知歙州府數以書問訊并寄其詞甚氣誼之篤近時所罕詩不多作故無專集行世

悅枝堂坐雨分得八齊

萬條銀綫結來齊
檐瀑紛紛看欲迷
乍喜綠添新竹葉
最憐紅濺落花泥
半規池面跳波急
一角窗陰壓座低
漸覺涼生衣袖上
呼鐙且盡玉東西

王庭魁

字岡齡吳縣人監生有小停雲館集

蒲褐山房詩話岡齡受詩法于沈文愬公所居在楓橋有小園花木之勝能盡藏弄名跡頗多最愛文氏輜輳故以小停雲名其館廬曰佳時恒招諸名士作文酒

之什後十餘年劉齡附世圖畫蓋亡宅亦
歸于袁氏今又惜漁隱小園即其故址

寒夜吳企晉曹來殷趙損之沙斗初朱德基林屋叔
蘭泉西莊兄集停雲齋分得月字

東雀栖簷端寒宵悵悠忽良朋欣盍簪攜手入巖窟歲暮衆
卉凋嚴風振林樾何以助綢繆村醪雜野蕨人生能幾何轉
瞬嗟華髮行樂貴及時深杯不辭罰情洽語笑親醉餘歌咏
發相送出柴扉林梢掛殘月

春草次韻

輕風剪剪漾春原芳草如茵拂砌繁謝客裁詩清入夢江郎
作賦暗消魂遠迷樵客山中路低視漁家竹裏門一望靡蕪
烟景好翩翩遊騎憶王孫

爲家蘭泉畫三泖漁莊圖

圓沙曲渚白雲居九點遙峯畫不如爲愛菰蒲烟水濶秋風
釣得季鷹魚

柳湖東去碧迢迢矮屋垂楊舊板橋何日竹弓同射鴨瓜皮
艇子晚迎潮

徐薌坡

字蓀林號澤農青浦人貢生 南巡獻賦 命入 武

英殿校書未赴卒

讀西山房詩話蓀林有紫摩序梁文定公爲學政試以梁襄賦特見賞拔中歲入
京寓延壽寺街之洪閣會館病瘵余往視之殘雪滿地寒飈襲人葛幃木榻燈火
青熒顧余而歎曰似此已是鬼境復有何言因占兩絕云勞身屢接役醺難助破
家莊物理盡客路殘生等蟬蛻更無兒女錢床暗得詩隨改又隨刪關雎莫搜目
夜間最是生平有餘恨未留著述在名山聲情酸楚真不減鮑家之唱上城之謠
余校採掇獨多以釋其恨至才情之富有屬對之名道詞華之清豈常與我邑中
鳴鶴偶邵植庭齊驅前
劉非餘子能望肩背也

夜坐寄趙損之

清風颯然來涼氣襲羅幌空堂悄未眠葉落碧梧響秋高萬
籟虛獨坐愜幽賞耿耿銀河明林梢新月上緬彼素心人眷
焉發遐想機山鬱岵巖谷水涵混遙遠道寄相思孤鴻自來
往

曲陽有韓魏公蘇文忠公石刻箕谷命工搨之

賈胡愛珍玩農父勤芸蕘物常聚所好好貴與俗超觥觥周
夫子一官慚折腰仙臯偶焉駐冠蓋驅塵囂縣古似村舍遺
風近唐堯聞昔轉戰地兵革久未銷韓蘇後先繼與樹而同
條軍營鎮邊徼粟米除征徭只今感遺愛涕屑髦與髫當年
政成暇餘事傳歌謠風流相照耀伎石窮鐫雕字字劈窠大
虎卧兼龍跳閱五六百載不受劫火燒卧閭日清宴寓興破
寂寥時從看山便言訪谷口樵我亦嗜奇最治生幾不聊浪

跡走燕趙忝佐幕下僚何緣蘭臭合結伴常招邀曲逕穿罨
歷懸崖陟峇嶷登登聽響揭膠墨胥勻調虹光爛四壁靜對
長夏銷何必河陽縣種花含春嬌何必鬱林舫載石廉名標
一編集古錄官橐歸已饒

石湖秋泛

涼風昨夜吹雨過小軒簷溜聲淙淙蟻衣上砌屐齒滑掩關
瑟縮同寒蛭忽驚剝啄扣短闌窈然空谷聞音是生平雅抱
泉石志酸醎嗜好殊冥煮石湖烟景入夢寐涎流更覺心饒
發朝來層陰况開霽琉璃一碧涵澄江蔚藍爽氣望不極排
空陣陣飛鴻鵠鯉魚風急五兩動便思振舵移解纜越江溪
口足幽趣名區自昔推南邦相傳文穆栖隱地田園息影耽
耕耜蠶桑鰕菜樂素業至今遺俗猶敦龐人家村落接沙觜

薨歷芋圃兼苔瓦疎林掩映夕陽外修竹个个攢鷄羣柴扉
三版幾烟起隱隱籬脚鳴花危行春石橋跨水面紅闌迤邐
連長杠幅巾閒眺臨淺渚青絲紮繫枯陽椿等船四面銜尾
過木蘭小漿紅油窗柳枝竹枝迭巖唱吳儂造弄傳新腔嘔
啞柔櫓撥萍藻沙邊驚起鷓鴣雙楞伽咫尺不得上遙見巒
勢峻崢嶸青螺倒影碧波底亭亭似建蓮花幢禪宮晚靄入
雲際縹緲仙梵流空澹烟嵐明滅碧無數衆峯矗立疑辟蹊
拖筇却少濟勝具預愁登陟疲醺醺談朋幸逢禽向輩脫略
禮法無噴噴茶檣酒帳共吟嘯興劇往往挑蘭缸搖牙握管
鬥奇句掉險數舞都盧橫滾滾珠璣互噴薄琅琅金石交鏗
縱詩成擊節欲起舞拍浮傾倒玻璃缸酒酣慷慨忽根觸懷
古耿耿心難降當年吳越事轉戰艤艫百道麾矛鏃英雄成

敗只一瞬貽戒足使神魂僕功高蓋世不受賞扁舟歸去揚
輕雙滄桑變幻幾塵劫韶華轉眼隨奔馳遙遙千載動感喟
馨香欲薦舉離沆臨流醜酒一俯仰遙山烟外昏鐘撞

京日夜泊

風定帆初卸寒塘起暮烟斷雲瓜步樹殘月秣陵船山翠來
篷底江濤落枕邊十年湖海夢回首一凄然

登洲塔次韻

中流一塔湧四面鏡奩分齒齒沙間石鱗鱗水底雲秋風招
鶴侶夜雨鳴龍君倚檻舒清眺鐸鈴天際聞

寄張策時

金昌楊柳記同攀別後相思客鬢斑細雨春帆黃欲渡淡雲
秋樹陸機山關河遠道傳紅鯉烟水幽情戀白鵬安得秦淮

花月夜旗亭賭酒一開顏

牽牛花

搗腰籬角碧茸茸小艸閒庭照綴工
弱質愛霜秋雨翠芳心
愁對曉霞紅涼分銀漢迢迢水香送
苔階冉冉風盼斷鵲橋
人去杳幾枝疎影伴吟蟲

寄沙白岸

天涯風雪挂征帆回首昌亭夕照銜
四海論交留短褐五湖
歸隱託長錢垣衣薜荔何須補門掩
蓬蒿不用芟準擬相從
赤松子芒鞋一編踏屨巖

別嚴東有鮑雅堂

天涯分手恨離居衰柳長亭夕照餘
高會三秋傳白下盛名
一代敵黃初風塵冠蓋交遊壯雨雪
江關旅夢疎明發孝侯

臺畔路相思千里盼雙魚

春草

依依新翠上河橋
鷓鴣聲中宿雨消
繡陌衣香來緩緩
銀塘帆影去迢迢
幾多芳訊傳三月
賸有離情送六朝
惆悵青袍憔悴客
年年愁緒長春苗

古意用錢訥生秋興韻

書卷飄零手劬學
韶光荏苒客中過
十年旅鬢新霜少
千里鄉關舊雨多
秋水蒹葭聞雁語
曉風楊柳唱騷歌
美人欲折瑤華贈
悵望雲山喚奈何

訪道何緣問廣成
天涯漂泊可憐生
篝燈夜雨紅蓮幕
蘭漿春波白苧城
三月鶯花愁裏色
五湖鰕菜夢中情
軟塵滾滾人閒路
空憶驂鸞到上清

題王述庵三泖漁莊圖

晴光潋灩碧迢迢
淡靄輕陰覆板橋
昨夜菰蒲疎雨過
一溪新水漲魚苗

杉皮矮屋笋皮篷
沙嘴沿邇略勾通
一帶垂楊低蘸水
綠蓑斜背釣絲風

桃花淺浪送春帆
蟹斫魚罾夕照銜
坐對涼波吹篴罷
自縫衲衲舊漁衫

懸驢破帽裊吟鞭
十載江湖舊夢牽
何日從君背笭簖
同泛楫頭船

八月二十六日夜集經訓堂送徐尙之赴鹽山聯句
六十四韻

台散意未厭青浦王分襟手先抗高齋劇清虛青浦徐詞客盡坡篴林

湖海詩傳卷十八

五

偶募谷空懷駒維

常熟吳詩
光竹橋

途遠感驪唱聚散風搏沙

嘉興汪大
經秋白

去來塵堀坎契緣耦居殷

秀水王
復秋曉

情用小別愴令序際秋高

鳥

晴曦轉春盎露華綴金莖

無錫楊芬
煥務裝

霞彩豁蓬闥涎涎鳴解

櫟

武進余書
受向之

凄凄蜚語窈荷衰香未銷

和

葺折霰徐颺景物逼

蕭森

蘇坡

河山攬悲壯黃騰潞水坡

弱

碧剡雁門嶂霽久罕塗

泥

大經

涼深絕炎炕選勝景彌佳

復

追歡神頗王叢談翦韓檠

形

促坐列歐舫臭令味遡蘭

芬

言溫挾同續矧予本愚齋

入世豈冗長秀是江東推

和

美非城北讓舊家鐵甕隣

蘇坡新

製玉臺賦慘綠雖少年

蘇

中黃等飛將一噴真一醒

大經

十次

還十齋摩霄鵬摩雲

復

橫海鯨跋浪門庭得真傳

形

臺閣肯

依樣賦隋西都寶

蘇

碑考北海相問字喜春容

蘇

說經嘉磴

仇文思聿深湛

和

志性乃慈諒棲鵲類乾邑

蘇

食莖侶張暢

獨行衆所推詩浮榮視猶儻會看大寧復軫駁放應

起曲江名復遂侍含元仗今春辭蘭陵形上計過督亢始至

賃皋廡詩繼遷依釋藏時寓永樂院畸士偕許渾謂許介山書受經師服戴

望雙步趨蛩後先和賡和禽頡頏名流爭攬環坡上客互投

狀論心恨已遲詩識面既非妄譚執挾其精大道古敦所尙

相期彼岸登復庶幾我軍張茲違鄴下遊形聊作剡溪訪詎

憂邁靡靡詩終覺思養養咄嗟煩官厨書葱卒辦祖帳餽童

飭招邀和竈婢竟拊搗殘浮雀舌茶坡壘撥松花釀蠓熟茗

以薑詩豚蒸濡用醬蠶菹發宿儲大餅餤託新剝銜杯笑正

酣復投箸神忽往襖被幸同攜詩春糧誰見餉瑯嬛書

百兩詩殼棘車一兩杳杳雁銜蘆書勞勞獸走壙游目乍依

依和回首定悵悵青垂梨半林坡紅綻棗一桁縣僻夷邨虛

光蘇邑巖置亭障童山屹有稜大南井寒無漲旅程頓羸驂後

甥館卸輕裘哦松訴合離形咏絮寄醇唱時向之蜀爲驛山尉甚內人工詩佩萸席

上分芬鈴鞫離邊傍時未怨蹉跎受書趣方適閒曠鹿鳴芳訊

傳和鯉躍層津上一舉快先登坡三驚輩行土拭出龍泉

光葉穿開虎韞銀榜著聲華經月燈展諧屯還過白楮坊復

再躡黑窰廠須傾榼三升彤重着屐幾緇刻羽停郢謳芬斷

輪待齊匠樞衣復升堂受書毋畏俗人謗昶

林如璋

本姓趙字宗孟號秋吟青浦人諸生

春暮有感和韻

滿天風露下西樓
簌桂香消近晚秋
寶帳夜寒鴛夢杳
一彎

明月照離愁

和村居雜詠

淮南風味總清幽
香霰霏微撲玉鉤
五夜月華涼似水
幾枝分得廣寒秋
黃雪廊

鼻觀微參色相空
涼生蘋末滿亭風
一雙白鷺衝烟去
花北花南返照紅
妙香亭

阻風中酒滯關河
廿載星霜一刹那
此夜挑鐙聽烟雨
芭蕉窗外種來多
話雨篷

高景光

字自柏元和人
諸生有夢草書堂詩鈔

同顧丈祿百繆學山
沈欽伯錢曉徵褚左
義曹來殷張策時過滄浪亭

蠟屐穿林楓乍黃
碧雲斜捲遠山蒼
野塘水漾娟娟綠
叢桂

風飄細細香詩比樂天還澹宕人如杜牧更清狂何當一棹
胥江月共醉溪南離菊旁

重九前一日遲王鳳喈蘭泉不至

細雨斜風冷竹妝故園蕭颯又重陽纖簾空有登高約時宗伯
師招遊
靈送酒曾無縮地方獨對黃華披白蛤漫調紫蟹搗紅薑不
知明月吳山頂放筆題糕若個狂

天津雜詠投查蓮坡先生

落華新釀燕泥香煙樹參差碧水鄉十里津橋閒騁望雲颿
江店小金閨

淡紅細雨桃花寺嫩綠芳塘楊柳青髣髴湖天晚景好夕陽

樓閣影亭亭

桃花寺陽柳
青俱地名

枝頭小鳥弄笙簧油壁香車插野棠記取關青城外路綠陰

如幄巨家莊

巨無霸故里

玉壺春酒不須賒
月上海棠映碧紗
宴罷客歸剛夜半
雙鬟低按小梅花

湖海詩傳卷十八

湖海詩傳卷十九

青浦王 昶德甫輯

陶璉

字夏重嘉興人貢生有東籬詩鈔

蒲錫山房詩話夏重爲同年進士汪鉅之子天才英異風發泉湧而筆之所至皆合於規矩常隨予至江西言詩雖藝頗有牙蘖之知五言如黃花三樹雨紅紫一江風落花驚蝶夢香遞倦蜂遊江聲杳雨漲雲氣曉嵐落墨雲千嶂晚酥雨一帆春七言如梅花數點春如許月色三分夜未央溪雨漸驚菰葉潤坐風微動稻花香把酒也將杯送老工書善破墨唐人描花徑待梨僧過種柳門容釣伴敲皆雅令可諷其後客苑燕湖詩卷零落卽浙西人亦罕有知者

簡王秋塍

籬門掩柳下林屋隔竹西赫日馳角里火雲升韭溪誰能觸
熱行襪穢相攀躋蘊隆早太甚枯痺病夏畦晝夜無停辛骨
瘦面亦黧吾儕澹無事草堂耽幽棲高枕北窗下涼風和天
倪綠林藹交布畫靜蟬聲嘶鄰曲來問字水亭壺相提樂飲

湖海詩傳卷十九

拚一醉百事慵如稽靜言思村農相形隔雲泥逸勞各隨分
物我安可齊玩時古所戒深悲遭訶詆念子勤著述足不出
庭蹊守冊意舊約擘牋寄新題爛然披雲錦眼膜開金鑰何
當東曠收賜谷來寔寬頓作雨人雨爽氣浮花堤田苗勃然
興豐沃蘇羣黎投賤酒更醲近局還招攜

從姑山

天柱一峯懸鐵闕兩石夾勝引青竹幾寒舍白羅袷出郭游
伴偕渡機吟懷洽從姑亦仙姿窈窕開妝匣畫眉黛自濃癯
髻花猶插不禁篋夫侵屢遭酒人狎古洞白蝠翻巖峰青鼇
壓葛捫滴翠崖藤挽留雲峽拔地萬仞高窺天一綫狹玉子
空紋嵌石梁架嵒嵒千門縮如蝸二水清似雪往哲此幽棲
築室共白業

白業書堂名明羅公汝芳與諸生講學處

紫雲冒巖阿綠雪映簾押縱近無

靜居背參上乘法數椽足藏修歷代幾遭劫戀枝病蟬吟道
清鷗鷺啖米顛興已偏許椽濟無怯吾將卜前峰誅茅荷松
鉤

題王述庵先生三泖漁莊圖二十四韻

湛湛三泖流歷歷九峯頂蒼石走檣竿青水浴塔影斜岸掠
燕乙圓波躍魚丙林塘沙灣灣茆宇牕罔罔占此雲水區何
必羨箕桓公乃濬蕩人蚤歲登臺省豈惟文翰雄又覩勲績
炳通家屬猶子造謁無路請昨公居倚廬杜門塵事屏所幸
駕水居近接澱湖境挈伴攜琴樽時同陳
梅亭訪軋舫破萍荇巨浸納
交流遙岑拱峻嶺禮優屣倒堦意重轄投井深坐盍春和劇
談轉清警渴來舊雲莊披圖解煩悵想倩畫史畫天末戀鄉
景攜此行萬里忙中一笑領及茲三年淹故園重可整湖看

黃歇閒宅與陸機並居處村落偏興趣江湖迴春理釣鱸綸
秋放采蓴艇舊夢今許償暇日試游騁爲問出岫雲還山得
孤永漁唱晚風高迴橈烟月冷

登宜春臺

選勝在地偏每從郭外訪詎意繁塵中崇臺得幽暢書館幸
爲隣支筇時眺望東攢雙箭峰西疊白鶴嶂其北袁京山南
有大小卽連巖抱如城皆且非一狀維英紅已繁秀江綠始
漲井闕起炊烟散作晴雲颺縹緲心胸如在九霄上衝黛
潑空來湘色遠相向妙境翬所無應接神亦王題詠凡幾輩
溪山故無恙如何帝子宮住錫容梵放斜陽弔荒祠

上有漢長沙定王祠

臨風獨惆悵

昌山峽

分宜縣西
二十里

驅山山不行截流鎖江面巨靈劈嶄出神漢肆噴漩衝波石
將崩晴空雨倒濺行看七聖逃鑿待五丁遣呀如石門闔輅
如鐵輪輾鏐如舞劍騰森如奮戟戰帆如鎮巨鼇瞥如駭奔
猿欬如虎牙張攫如龍爪胃入坎坐於針沿流引若綫刺篙
術少疎觸嶢禍立見賴有忠信存顧猶心膽顛稽首閭城君
乞借東風便

題任石民州丞春波浴視圖

結茅在春波版居坊名守拙足文翰橐筆走灌城生涯餘破硯與
君托懿親因之接交讌君家名父子能書仿羲獻校錄各宣
勤先後就承祿久滯江右居遠從粵西宦剡藤持索繁酬應
無少間墨汁魚飽吞書幅鷺可換磊落端溪林一一羅几案
包裹涉關山引用等英彥昨君見星奔扶輓歸鄉閭輕裝惟

石存痛定徐出玩氣猶含烟雲光若閃雷電呼童梅溪上一
洗塵垢面倩畫意故佳自題書更擅挾冊索我詩懷慙增感
嘆歲華久蹉跎鬚髯漸衰變吏情君本淡遠遊我亦倦何當
載書舫歸傍雙湖畔安居守硯田聯吟坐石礪

往觀砥柱山銘風阻不果

濁河天上來截流聳峭嶮常恐地軸翻天險此鎖鑰一柱眇
孤撐三門想舊鑿險分人鬼神要據伊渭洛雷霆日喧阗雹
雨亂灑落大哉神禹功萬世賴疏濬上鐫貞觀銘書乃正字
作嗜古獨往觀色沮風浪惡縱然移我情具舟不敢泊宛似
三神山近輒風引卻兩岸疑動搖百恠畢騰躍歸然峙中流
端凝神儼若以之激頽波孤高非僞托問誰障狂瀾對此色
無忤伊余探幽奇緣慳阻芒屨何當練平鋪放艇欵山脚招

攜同志朋絕頂一歌罷
開拓萬古胸解衣共磅礴
隄糜塗硬黃剌剔試摹拓
裝池入篋衍備載金石畧

九日同人登黃山

菊英初黃脫葉殷城西
咫尺浮邱山浮邱仙人杳
不見空有白雲相往還
此地林壑多清迥振衣長
嘯登絕頂東望羣峰晚翠
攢西俯萬里秋江靜殘碑
空記凌歊臺當年歌舞安在哉
滿目蒼莽正踽踖蹶然疎
雨天邊來山人導我入香
阜疑是當年牧雞叟天際
哀鴻不可聞籬根且醉茱萸酒

水碓

先王制器民用公耒耨之利
歸畊農杵臼以濟春人春後世
奇技逞私衷機巧欲奪造化工
峻瀨百丈鳴懸淙審曲面勢
當其衝打杙壘石亘若墉安置
水碓蒲葦叢輪軸旋轉雨灑

空如鳥俯啄仍高翀雲際咿啞叫饑鴻苦蓋矮屋守一傭以
水代足坐使慵占據不許舟楫通柁樓斜轉曲山從損人利
已誰汝容我行六月暑蘊隆大江起漲勢正雄盡遭潰決崩
碕礧剩有亂石堆橫縱急溜如箭灣如弓一失趨避無完卵
與衆方便心所同上聞達官幸勿壅頒爲禁令誠德濃

聞澹川主講臺灣海東書院因寄以詩

吳郎好勇過季路曩乘海舶遊閩間載書又從廈門出一針
南指滄溟灣鸞帆飄忽颺毋惡大洋五色波漩濺橫槩高唱
木華賦立竿早見鳳卵山凡歷幾更達鹿耳廈門渡臺五百四十
里外尚有十一更
赤嵌城郭疑仙竅昨遭兇徒害官長螳蜋拒斧爭蝸蠻虎豹
奮威入狻窟鯨鯢就戮除陰姦方今承平慶海晏脩文偃武
民安閭閻若坐皋比秉木鐸琅琅大義開愚頑風還淳古先禮

讓羣守矩矱無踰閑誠知切要正心術豈惟淹博矜辭嫻想
經鎔鑄出歐冶早從繩墨歸輪般我與鋤月聯講席時余主講席信種梅袁
來往未覺詩筒艱况復山館近桑梓鄉園歲暮行當還問君
何時遊亦倦水村紅樹歸掩關定多新詠紀靈怪追談亦足
開襟顏

寄懷秋浦集杜

不見李生久終朝獨爾思窮愁應有作來往亦無期見酒須
相憶論文笑自知蹉跎暮容色吾道竟何之

別離驚節換回首一茫茫舊日重陽日他鄉勝故鄉

王辰秀已兩重陽與秋浦

及故鄉諸子相聚南昌

故人亦流落今我獨淒涼歸路翻蕭颯高歌淚數行

艱難歸故里秋色有餘悽黃卷真如律青雲不可梯幾年遭
鵬鳥微分是醅雞更欲投何處飄飄愧老妻

世已疎儒素生涯獨轉蓬且持蠡測海真作鳥窺籠徑欲依
劉表逢人間孔融尺書前日至鵲噪舊愁空

重陽後一日
得秋浦書

示諸生

瑟瑟秋林澹夕曛桂花如霰落紛紛徘徊破甑原無益嘆息
炊桐竟不開市上壁人誇衛玠山中風漢笑劉蕡雞蟲得失
尋常事珍重他年玉笈文

往事蹉跎悔莫償天涯萍梗惜流光袁京高隱山猶在盧肇
能文墓已荒入世翻同蟲食蓼著書笑比鼠銜薑偶存吟卷
疎蕪甚枉費傳抄篋衍藏

沈帶湖吏部乞養旋里正月八日招同人宴集

蘭陔日暖綵衣新通籍金閨早乞身韋況辭官歸故里茅容
款客見娛親竹間近局猶燒笋湖上春粢已召鱗不厭梅花

清共嚼還從舫間對吾真

題魏仲先處士草堂

花藏菊繞陝東郊
洞口烟霞舊結茅
父子名同高士傳
公侯禮下布衣交
音流綠綺魚曾出
節抱幽篁籜尙苞
剩有虛堂風月在
英靈肯破北山嘲

弋陽道中次澹思韻

一灣一灣復一灣
一灘一灘復一灘
灘高灣曲舟行緩
看盡春江多少山

寄內

風摧庭樹隔江雲
腸斷烏啼夜不聞
老去更無兒在膝
惟君憐我我憐君

張棟

字鴻勳震澤人貢生有看雲吟稿

蒲葦山房詩話鴻勳情性和藹工于山水行勝所至羣訂續紵之交浪跡江湖者三十餘年惜無所就詩卷甚多不無疵累今摘取十餘首不啻細葛含風輕羅疊雪五言如客至驚啼鳥人歸踏落花山靜餘寒曉潭空響夜漁雨聲寒古屋雲氣薄秋山水流隨客遠花落閉門深花邊留客雨棚外落帆風七言如流水聲中停客舫夕陽影裏挂漁罾黃花香濤秋光老落葉聲多夜氣清落日澹舍千嶂雨斜風寒送一帆烟啼鳥喚人驚午枕飛花隨夢繞春江空山落木散秋影孤館月明生夜涼燕子歸來花徑暖溫屏閒處竹連村閣裏千楹銀錯落花間雙管玉參差魚穿花影驚初定鳥亂松聲聽不分所謂詩中有畫然亦有畫不到處

月下偶成呈茅大心友

心淡隨所適移步臨清池
暝色花間來露氣盈前墀
依依楊柳月正上城闌時涼生衣袂薄吟侶還相期

移居

真似羅含宅當堦植幾枝
人歸花落後夢斷月明時
別自開三運相將盡一卮
暫憑幽絕境稍解故園思

西齋小景爲蘭叔克軒作

共有詩情在茅亭一逕幽青山成小別黃葉亂深秋自得蕭
閑趣何來羈旅愁月明同一醉却勝對眠鷗

夜吟寄蒨庭諸人

日常柳外聽啼鶯塵事茫茫靜不驚花爲故人留一樹夢隨
春雨到三更不知醉後蝦鬚捲但覺吟殘豹髓明彼美不來
魂欲斷隔溪猶聽讀書聲

游宏濟寺用壁間韻

滿江波浪暫停船曲磴盤紆此地偏雲外峰巒千仞出風前
樓閣半空懸老僧入定聽鐘起閑客忘機枕石眠惆悵昔人
遺蹟在淹留翻作勝游緣

過磐石庵與陳上舍叔度話舊

不緣聽法過祇園落落惟君傲骨存盡引山光歸小閣旋移

花影入清樽
功名謝掾何曾早
聲譽張丞枉自喧
且喜時來豁襟抱
滄溟萬里任鵬鷺

揚州

十里春風郭外樓
更無狂客醉揚州
欲知小杜傷心處
明月紅橋夜夜愁

管絃清脆幾曾停
春向人間醉復醒
何用更尋歌板地
鶯聲啼老竹西亭

莊寶書

字然乙武進人監生由四庫全書館議叙官聊城縣丞

蒲褐山房詩話然乙詩取裁大歷十子淺而實深薄而能厚置之錢郎間了無差別少因名場壯爲下吏而清和閑雅一唱三歎絕異子詞壁間天傳船送鬼者

晚步環碧齋用太白廬山東林寺韻

幽賞日將暝
頽雲下城闕
遠引脩竹風
漸露松梢月
濕翠滿

林塘烟靄雨初歇境淨可沁心夕涼快散髮忽聞隣笛吹螢
火草際沒

湘江夜月

日落山翠橫空江夜氣白回首秋浦深已上沙頭月涼露裊
衣襟微風起天末不聞人語聲寥泝叫孤鶻

泊江村

晚翠橫煙渚溪流直到門寺鐘疎欲斷秋水淨無痕宿鷺驚
人起歸鴉集樹喧隔江漁火上繫纜又黃昏

飛來寺

一角飛來寺滿山松樹陰鐘沉秋壑靜門對峽江深晚翠隣
僧笠歸雲野鷁心何當謝塵鞅長就遠公吟

舟次燕子磯遊永濟寺

峭閣依巖壁迴廊繞竹林大江浮樹杪斜日透蘿陰雲過知
禪意泉流見道心默公遺跡在邱壑至今深

曉行

薄霧曉濛濛危坡仄徑通雞鳴深樹裏人語亂山中宿雨喧
秋澗晴霜淨曉空長征何日已搔首歎飛蓬

自貴定至沙坪宿

積雨秋原足低雲晚岫屯編籬重護稻依樹小成村澗響通
泉脈橋欹動石根沙坪行未到霧暗欲黃昏

秋暮友蘭齋懷滇南兄弟

渺渺雲山路相思萬里餘楓鴉殘照亂竹月夜窗虛獨坐秋
將老孤懷睡亦疎徘徊紙閣裏吟罷一愁予

落日

落日寒雲色涼颺古樹聲歸鴉爭寺宿疲幾近村鳴撫恤經
旬憊火傷積茂成此心不我盡何以慰輿情

寺一作墓
歸一作亂

過大關

天然畫幘繪秋殘黃葉丹楓馬上看一徑林深迴鳥道千重
嶺複入龍盤澗經山雨飛流急濤帶松風落照寒詰曲不知
蒼磴滑蜿蜒已上白雲端

山城卽景

黃昏風靜雨聲聲雨歇崇朝風又生客意不禁頻冷暖春光
無賴半陰晴烟含野樹歸雲濕路入山坡落照明立馬高岡
一回首燕南江北總離情

寄硯鋤

鐘聲敲徹柝聲沉窗外寒蟾積雪深謝草夢殘前日淚梅花

愁入故園心幾絲白髮添離緒如豆青燈伴苦吟安得嵇琴彈一曲與君對飲弄清音

咏燈花次迪庵韻

星鈺舒眼似窺人長照尊前不夜春結處自垂雙蕊暗挑來又見一番新
碁敲漏靜閑中落卷掩窗寒老更親莫道相看頻報喜淚珠坐對獨傷神

題舅亭五兄萬間草卽用集中見懷元韻

楚騷昨歲賦香籬此日題詞慰客思秋老悲歌燕市酒春生殘夢謝家池
廿年薄宦貧如水兩地重逢髣髴絲一卷萬回千遍讀剪燈殘雨漏聲遲

楞伽峽

如此靈峰見亦稀四圍寒翠逼人衣奔泉倒捲出山頂散作

半江烟雨飛

逋庵惠菡豆詩以謝之

感君同氣快論詩惠我雲眉香滿卮
忽憶荷塘新雨後豆棚閒話納涼時

卽事

歲闌鄉思獨徘徊酒醒衾寒客夢閒
夜半小齋燈火減月光映雪上窗來

查岐昌

字藥師海寧人諸生有吳趨江上諸集

蒲陽山房詩話藥師爲初白先生孫初白卒久之未葬藥師至京師次期泰新之助而無有應者厚石與余作書致盧雅雨運使所以資之者頗厚自藥師歸家大病累年其時或不能舉未幾藥師亦卒余常見其手抄詩文凡四冊詩句新異而散體文尤有法度今求之僅存詩數十首餘已散佚矣會著集從閣讀古記亦俱失去藥師句如村居云澤國稻梁肥鼠雀海天雲雨混龍蛇寄懷云寓言急草王符論提徑應輸卜式宋劉荷云何須解詔能傾國自喜居卑不染泥存柳云可知應好惟春月歲

得風流是少年皆有方寸在岳隱然難平之槩陽綸修繩武題其卷云
筆力盤硬正如陸魯望所稱穿穴險固因領怪異破倖陣教者信然

游滄浪亭次用歐陽公集中韵

亭係商邱宋綸先生重建三
韓吳中丞繼葺位僧元善續成

四卷吳中諸先
輩卒多題詠

湖州長史行樂地廬陵居士題詩篇年深蹟往近誰主風流
雲散亭依然城南徑曲步微仄長林豐草相連環香飄桂木
挺森秀蔭密野竹分清妍有山有水與世遠不村不郭忘驚
喧四頭鱗屋隔萬戶霧非霧兮烟非烟我來吳市六百日咫尺
欲躋尋無緣乍逢清景隨空杳小憩寧必非遊仙蘇君當日
不稱意笑收風月吟觴邊結廬何妨在人境負郭矧有下
溪田至今北碕漁可釣潑眼唾涕清而漣曾聞池館後豪奪
劫業始自吳越錢婆留孫盡申公死跡與身滅疇垂憐剛幽
繼繼問府賢好事僧繒丹青天留題人續六一句字字珠出

驪龍淵青衫綠髯奈寄客移牀曲尺思借眠異才踏踏有餘
想芳名蜚遞流他年濯纓濯足取適興姓氏詎望當時傳

忠孝王祠

風捲胥江怒未平巋然遺廟重羅城業能覆楚何妨死天欲
亡吳厭此生從古英雄皆落魄一身忠孝獨完名曲終小海
腸應斷晴向蘇臺絮酒傾

吳中有小海曲爲
伍子胥作貝晉書

韓蘄王墓

在靈巖山西宋高宗
御書元魏碑尚存

靈巖峰色鬱葱龍一代孤忠百代雄古墓江山遺澤遠高名
日月勒碑崇臣勞自欲籌三鎮廟算何心復兩宮差幸全身
殊鄂國虎林祠畔莫銘功

曉渡太湖望洞庭諸山

萬頃湖光一棹開東西浮出小蓬萊烟汀露渚蒼茫外簫唱

漁謳沿蕩來挂樹銅鉦從下上踏波沙鳥任飛廻一灣舊入
雞豚社應許儂家置釣臺

金陵咏史

田舍翁誇漢業成八紘咫尺壯圖非諸兒那笑凡材劣養子
終令帝室傾北府孤軍誰效死南朝名士尙貪生寄奴艸滿
青衣散剪落洪枝費史評

碧天痕破半邊明逐燕高飛勢已成黃瓦兆占沙漠遠金川
事去禁城清霰開一姓銷殘劫禍起諸王擁重兵痛憶文皇
南下詔同時羅織盡忠貞

戊午秋客秦淮雜詩有流盡舊家簾幙影之句爲時
傳前近稿佚去重游悵然補綴成八首

烏衣名巷里名珂夾岸亭臺貯翠蛾流盡舊家簾幙影秦淮

依舊水如羅

亞字低闌護板橋大航燈影已蕭條游人不管南遷事一樣
興亡話六朝

玉樹金釵句極妍丁丁新調試吳絃袖中紅本都它伎宮戲
新呈燕子箋

市隱園中樂事初白門柳曲記眉僂彥四少日眞名士老去
從人唱石頭

鳴毛新漲白鷗潭漱瀾波紋皺淺藍殘月曉風楊柳岸詞人

低唱憶江南

斷煙零雨莫愁湖樂府流傳此地無邀得閒人來汎艇紅衣

散處引雙鳬

前集題咏多指莫愁爲金陵人非是按古樂府莫愁樂云石城女子名
莫愁善鼓謠石城在竟陵其曲云聞歡下揚州相送楚山頭莫愁在楚

無憂今石頭城下有莫愁湖蓋因
石城謠謠耳湖上多荷花故云

湖海詩傳卷十九

三

柳翠梅妍十六樓任他蕭寂亦良遊顛花殢酒生來嬾身是

當年許散愁

北齊書許散愁自少不登
幾童之牀不久季女之室

百花洲畔蹟全燕間說天開似畫圖桃樂一枝隨鏡轉教人

回首憶西湖

馬光祖青溪園舊有百花洲天開
圖畫亭宋時號為小西湖今廢

古鏡聯句

訪古黃金臺贈我青銅片時維元年冬客自寶雞縣錢宵來

紫珍夢影落平江旬寒芒朝發匳諦視予甚弁岐規箴當金

人位置儕鐵硯一錢局未遭不老名難擅載幽幽懸秋冰的

的出雲霽頗疑雷墨黥奚類火齊現岐背隱雙魚鱗濤翠鼓

漣漣載周以百羅紋蝕垢起微綫岐徑暈壁肉倍輪轉砂斑

徧載端正塵蒙心殷鮮血痕面岐橫貫一道虹碎剪半江練

載兩三點積鮮滿漣痕染黥岐葬列誰代娥耕田某原竈載

狀非元錫粉摩詎白旃礪昌岐哉生桂礙魄日消雪遲現載黜

然鬼物庭芴若雨觀變昌岐雖虛晉曠題定入李唐院載僻溪

照骨淪漢祖辟邪遠昌岐陳倉土還漬吳靖妝應眄載獨怪金

水清不以菱花炫昌岐危微劑千秋慘澹經百鍊神爲形影釋

龍奈元黃戰載時事儘糊塗爾疾方瞑眩空靈聽生明衆止

靜澈鑒昌岐要令羣有涵庶亟本來繕載名休惡圖卿品可登

白選昌岐鐵兮荀諷家方者仁壽殿載逐熱史揮奇知來僧幻

街昌岐鐘形劍鼎鐫六鼻雲烟纏載冥搜軒轅制博採乙陰傳

魚目防濶投質器肯同薦昌岐臺慳石綠寶囊斥繡文絢但足

寫驪顏何如影盛鬢載蛾眉新倒暈肝膽兩灼見昌岐獲君筆

洗難手換吾能先載物歸但有數巧取得毋羨昌岐明水寒試

承壽光久堪戀載古貌驚菰蘆冷風相騰旋昌岐

徐堅

字季先號友竹吳縣人貢生有親園詩鈔

蒲褐山房詩話友竹襟情高曠所居光福里是梅花最深處工隸書篆隸尤長山水幾入龍巖之室是以四方節鎮皆思羅而致之然性不妄交非所好者不屑就也先至長安在千秋觀幕府已而游楚南依陸朗夫者二年時朗夫病且貧固自每食無魚之嘆而友竹盤桓不忍去至護其喪而歸世因此益重焉年至八十餘乃卒所刻親園詩八卷多清雋之句如山靜傳齋紫林岫出岩烟澹歸新雨後人去落花前門低深隱樹徑以偏生苦筍著諸天近松莖列嶂開雷殷遠山將送雨江深高閣欲成秋孤城背嶺千家眠萬派朝宗二水分滄海舟行明鏡裏往來人在畫屏中鳥啼深樹初催夢雨散低簷正熟梅山澤之屨往往吟諷不能置云

登六浮閣

向晚巒氣清浮陰散虛閣忘言坐永日冲襟入寥廓竹深新
粉香林靜殘花落隔塢踏歌來歸逢人采藥

題畫

湖上幽樓好深林靜掩門蒹葭秋水岸楓柏夕陽邨寂歷遠
塵境蕭條無世喧一棹容小隱吾欲傍東垣

咏柳

輕陰漠漠醺輕寒九十春光一晌闌
玉勒驕嘶人欲去金衣巧轉夢初殘
枝抽半股憐連理結綰同心記合歡
莫問灞橋芳草岸人間隨處別離難

有客攀條感舊遊依然風景畫橋頭
青帘沽酒烟中市銀甲調箏水上樓
不是別離常帶恨縱非風雨也闌愁
那堪玉露凋傷後落葉哀蟬咽暮秋

將赴廣陵喜晤桐江於虎邱舟次遂邀過山齋徧歷
諸勝詩以紀之

白公隄上柳垂絲乍喜逢君折一枝
細雨低篷今夕夢浮雲流水廿年期
此生媿負師門重往事愁聞世路歧
笑指西南山色好不妨歸櫂且遲遲

聞鴈有感

塞北天南渺我思一行久已歎差池何如飄泊江湖日猶有
羣飛共啄時

黃之紀

字星巖江寧人監生有編綠堂詩

蒲祠山房詩話星巖意爲詩文讀書多別解常論石齋非其秦姊鼓琴論李廣非其
甥役降羌及斬羈縻尉皆有特見詩與宋范陸爲近如塔寺始知山有寺烏重方世
樹蔭巢窟馬方隨司命至土牛先傍縣官回斜竹拂檻風力勁明流當檻月光重好
花每喜銜杯賞明月還思滅燭看身壯喜無經日病家貧只備隔宵糧皆佳句也

白沙泉修禊

夜雲斂孤岑曉鳥喧叢樹問此是何時童僕告春暮勿羨車
馬安尋幽愛緩步無入不自得所賴行吾素出郭謁蔡祠松
柏繞其基絲竹發松間音隨風來去沙泉清且漣掬之濯杯
具既醉相枕眠陶然忘禮數絳桃紅四山草花逃歸路生理

不可遏靜觀發天趣

重過隨園

江南四月艸淒淒
重過倉山路欲迷
舊犬識人眠不吠
新鶯迎我坐頻啼
竹高未及藏茅屋
水長才能上柳堤
獨訝蓮花及蓮葉
春來長過板橋西

薛龍光

字少文上海人諸生有玉屏山房詩選

馬遠畫松歌爲晴川趙丈賦

虛堂倏忽驅豐隆
驚看破壁飛虬龍
蕩雲涵霧怪石裂
昂頭跋尾擎虛空
坐久始覺五鬣露
是誰筆墨追天工
南宋畫史數扶風
欽山能事尤稱雄
韋偃畢宏誰比數
撐空突兀驚洪濤
想其磅礴當經營
意匠慘淡精誠通
鬼神雷雨助筆鋒
霜

皮鐵幹無春容松根對奕坐二叟服食松子方兩瞳倥傯之
屬無乃是彷彿疑有雲車從丈人七十顏猶童雲烟供養盤
心胸南榮膝背計亦得是人畫將毋同吾生學仙慕陶公
愛聽萬壑鳴松風天都華頂行汗漫仙山靈藥有時逢會須
一食毛羽豐更千萬載無終窮日夕來伴蒼髯翁

題鍾鶴汀古錢譜

粵聖儲物利民用五幣三品遙相沿赤珠禹玉不易致人間
所便惟刀泉歷山莊山製已失有周九府規始罔其徑一寸
銖十二

參用李奇
顯矩說

函方象地圓從天自從景王更鑄後後世變

轉如雲烟五銖八銖踵半兩當十當百還當千孝武銀幣出
新意橢龜矩馬規龍纏契刀錯刀兼十布新莽壓勝空尤愆
藕心螳鼻稱號異鶴鳳鳩雀紛翮翮鉛鐵連錫太糅雜荇菜

驚眼愁難穿其利如刀流如水窮漠絕域皆騰騫幕爲王后

或彌勒彎似半月或環連或狀草木或牛象或無輪孔或三

旋奇形異製難殫說誰與好事羅諸編願生恒已亡封郎演

逝鍾君一鉢繼廣川廣川董道有錢譜廿年收羅過千品破產不惜寒

無種蕭齋坐臥番百遍如餐蛾綠屏醒瞋心摹手畫登竹素

務考歲月窮旁偏正僞分列資論世篆隸細悉刊長箋邀我

題詞書紙尾余爲卓筆心茫然天生五金各適用范冶輕重

爰相權水旱緩急所時有救災起滯通郊廛誰使孔方劫一

世奔走萬類旋幽元側聞天帝借二萬癡牛坐是遷秋蹠傾

身障簾宜無怪舉却阿堵寧非顛伊余硯田久蕪穢囊中羞

澀室罄懸妄思十倍來笑鬼鑿地一昔空留船事見宋書五行志君平

賣卜誰見過元叔滿腹無人憐嗟君不知樵子母持籌握算

居千緡古綠班駁空自好畫餅難用充杯倦不如辦去早變
計好營廣宅并良田君言人生各有分賦受但看蛇虵蛻蛻黃
金如山成底用閤人百世無留筌卽如此錢更歷幾人代人
今盡化錢空傳漫畫之鳥亦聊爾銜薑之鼠無譏焉曉來榆
莢飛細雨苔文蒼潤侵花磚焚香盟巾一拂拭古色疑起黃
虞前鐘牟敦鼎力難得一爵亦足充饒涎顏瓢幸免太公乞
心怡目玩且忘年公能惠好一回顧杖頭尙有百箇青銅錢

江村晚步

曳杖江村外蒼茫欲暮天蟬聲流遠樹漁唱入秋烟地僻軒
車少時豐社鼓聞前溪明月好更上楓頭船

送吳冲之之江西

十年吳越擅詩名乘興潯陽更遠征五老迎船空翠落九江

斜日亂流明白沙秀竹津頭驛畫棟珠簾水上城聞說滕王
高閣在千秋詞賦待君賡

書吳漢槎秋笻集後

赴洛才名動 至尊漫因謠詠泣鉗髡長流不分同金齒
垂老方憐八玉門窮海風沙孤戍恨巾朝雨露故人恩牢愁
一卷千秋事哀怨應從楚客論

葉抱崧

字方宣一字書農南澗人諸生有壺領山人集

蒲褐山房詩話方宣爲葉忠節公應紹曾孫少以雋才著于鄉游吳中如吳金晉曹
來殷趙升之張策時外方宣與劉致三薛少文陸重鵬齊名惜其早卒未底大成

東平道中懷恒齋先生

渡河風日佳繫纜沙草碧微雲川上來邨原澹將夕潛魚泛
修鱗歸鳥戢倦翼農人刈麥還腰鎌意恬適去去感旅情遙

遙問荒驛言念林棲人焚香臥瑤席

遊細林山

窈窕碧芙蓉巖巒深幾重斷霞明極浦殘雪映高松鶴下寒
烟樹僧歸野寺鐘仙人緣玉杖前路倘相逢

晚晴

花下流鶯語園林雨乍晴松迎初月澹雲傍遠山明結習疎
人事閑居識物情偶逢隣叟至荷杖話春耕

渡黃河

倚劍驚濤涌揚舲落日懸蛟龍春浴浪風雨遠浮天濁水長
淮合新堤巨石堅安瀾終有慶深賴

睿謀全

江村

江村謝人事習靜讀書堂殘雪在高樹淡烟明夕陽松陰雙

鷺宿竹外數花香點檢南華論蕭然已坐忘

小查山閣

寒雲滿晴牕焚香悟禪悅竹外翠禽鳴風搖一枝雪

劉 濱

字歧三號西濤吳縣人諸生有月纓山房玉樵山房諸集

松陵泛舟

湖雲碧於烟因風蕩爲水漁磯傍垂楊蟹舍沿叢葦秋色垂
虹來蒼然滿中泚漾舟信歸潮默契濛梁旨行當乞釣綸泛
宅長已矣

不得曹習庵消息

遊子不遑息故人空復情關門一夜雨橫笛起秋聲迢遞江

南夢崎嶇塞北行相思不相見楊柳暮愁生

宿西山閣

客枕疑風雨蕭騷夢不成誰知幽閣夜月裏聽泉聲鶴影空
潭靜桐花曉露清披襟一長嘯無事濯塵纓

晚步和王岡陵

暫此息塵鞅言追清曠遊商聲凋木葉暝色上汀洲缺月依
橋斷孤雲背郭流十年湖海氣牢落半沉浮

感舊絕句

寶鉤銀箏客夢殘流鶯無復語雕闌東風不鎖棠梨怨一枕
瀟瀟暮雨寒

吳門楊柳枝辭和王蘭泉

春到河橋翠欲流麴塵初起颺芳洲瀟瀟昨夜江潭雨散作

吳宮一片愁

漠漠輕陰小苑西
春風依約杜鵑啼
殘紅流水桃花塢
一帶湘簾捲未齊

采香欲動木蘭舟
淺白長紅付亂流
見說東風吹不斷
絲絲綰恨上高樓

金獅

字振之仁和人監生官山東鹽場大使有香涇詩鈔

水仙花分得襪字

春雪壓簷水生骨
東園桃李花未發
水仙有意凌寒素
影朦朧漾殘月
我因花事增嘆嗟
烟浪微茫夢飛越
金支翠旗光有無
貝闕珠宮影明滅
冰夷擊鼓急響停
湘妃奏曲繁聲歇
彼姝者子六銖衣
微步生塵見羅襪
花魂咫尺洵有靈

點冰心慰寥濶憶昔嘉種羅華堂分箋共逞生花筆名並三

閩六瓣奇哲見得句真清絕

名與三閩並香惟六瓣奇先見水仙花句也

同君解佩返瑤

京石上葛蒲空九節欲吟楚些歌大招新詩誰補湘纍缺

先

詩會言及此故云

杜蘅芳芷眼迷離物是人非那忍說仙漿未飲熱中

腸聊取寒泉薦清潔梅兄礬弟倘相攜應到蓬萊水雲窟

陸藻

字江坪昆明人諸生有鏡碧山房稿

七月宿近華浦

秋水樓上樓四圍碧波捲層雲上樓來日薄太華崦疎林杳
靄間風葉參差颭餘霞散空明偶見金鱗閃暝色忽蒼涼漁
燈出蘆荻遠鴉濃似墨青蘚平於毯天然圖畫中永夕臥游
覽斗室如舟虛寸心臨水澹昔賢清妙語每出自遷貶茲乃

游滄洲怡悅吾何嫌遠山崔以巍傑閣煥且儼行持一指禪
何有萬緣感鼻觀暗香生瓶花放菡萏

陸藝

字樹人昆明人諸生有漱亭集

蒲褐山房詩話樹人以武將世家就心細素與其兄藻對牀風雨紛墨其饌江坪工詩樹人兼能畫溷人目爲二難陳大令文燦而外莫能及也余去歲時江坪以百韻謝見贈而樹人又仿烏目山人作風雨送行圖極工其漱亭集中如亂鴉翻夕照一犬吹孤邨野水明殘照村墟入暮烟碧草前溪路斜陽遠寺鐘俱極清雅

懷貽堂

三疊陽關動客愁送君無計暫羈留寒燈情話堪通夜暮雨
離懷又到秋南國尊前裁別賦西風江上憶行舟相思何處
難回首一柁垂楊舊酒樓

碧雞關別華貽堂

碧嶢西望影離離半拂斜陽賣酒旗莫向春風三弄笛官橋

烟柳不成絲

題畫

槿籬竹迳亦恬如知是幽人此結廬無數亂山青不斷水光
雲影捲簾初

涂逢豫

字長卿上元人諸生有林於閣詩鈔

蕭得山房詩話長卿居莫愁桃葉間少入秦淮文社才情旖旎為世所推故吳中楊
文叔編修胡清詞麗句富然情深淵源六朝得其津筏天台侯嘉福謂寫幽思于胎
禽寄適情於孔雀雌寬諧其賦手雕龍隱作文
心蓋諸名士傾賞如此然中年早卒所存無幾

待友擬孟襄陽

山雲間秋樹江波生石髮抱琴不終彈日暮幽思發
嫩人夕
未來無言對林樾鹿門舊隱跡風流今已歇我友天機靜撫
景興飛越清露桐陰疎翹首見明月

江 春

字穎長號鶴亭歙縣人揚州籍諸生後以總理鹽務賜
內務府奉宸苑卿加至三品改吏銜有讀書樓詩集

蒲褐山房詩話江都自馬氏曰琯兄弟亦能讀書好客者皆江鶴亭城東高阜名康
山因傳是對山遺蹟蓋之以奉 宸源云館沙字子於家及卒刻其學福齋詩集其
好事不多得也

靈錫泉

東國神僧蹟溪傳靈錫泉緣階蒼蘚滑掃石翠雲鮮香雨諸
天洒梅林一道穿清風發幽籟心賞自泠然

新月

三五稱佳夕清暉自昔聞今看新月早已覺夜光分無力穿
疎幔如鉤隱暮雲卻憐牆角上花影欲紛紛

毛大瀛

字又蓑號海客寶山人諸生由四庫館議叙官簡州知
州勦賊殉難贈

楓橋夜泊

停橈古楓橋夜涼氣超忽蓬窗風露寒孤坐自清絕寒山來
鐘鼓遠火明水驛秋空清籟虛星漢澹將沒一聲烏驚啼月
落懷天末

歸舟夜渡楊子江同施冠三作

一片長江水東流送六朝烟低京口樹月湧海門潮倦客逢
搖落孤舟話寂寥何當謝塵埃分宅住金焦

贈內

篝燈佐讀苦相依太息黔婁百事非豈有雄文傳狗監空勞
清淚滴牛衣釵荆裙布家風冷麥飯葱湯活計微他日鹿門

歸舊約絲緡共理釣魚磯

春草

嫩葉茸茸奈爾何江南春暮亂鶯多東風舊恨迷青塚南浦
閑愁暗綠波擁砌晴鋪苔徑沒成茵輒送馬蹄過芳馨縱被
陽和澤未許高松覆女蘿

陸授詩

字蒼雅嘉定人諸生

蒲褐山房詩話蒼雅美丰姿性聰穎能詩旁及音律刺繡飲膳
無不工巧絕倫尤長于畫未及三十而歿弟遵書別見于後

題畫

樹彫秋已深山近風尤勁夕照下亭西照見飛鳬影

山樵徑

無山城爲山環堞饒景色日暮採樵歸擔影林中識

登燕子磯歸舟爲雨所阻贈老僧

江風吹雲雲捲飛江風吹雨避僧扉一聲鐘動石欲落半顛
稽首禮白衣